

Paite - Agape Laisiangthou - God's Love Letter Scriptures

Johan 15:9 Ka Pa'n kei hon ittak bangin, ke'n noute kon itta hi. Ka itna ah om gige un.

Isai 43:1 Ahihhangin, Jakob aw, nang hon Siampa, Israel aw, nang hon bawlpaw, Tangtawn Toupa'n tu'n hiai gen a: Lau ken, nang hon tanta hi'ng. Na mina hon sam ing a, keia hi na hi.

Jeremia 1:5 Sula kon bawl ma-a nang hon theita ing a, na pian ma-a hon septuamta ka hi. Namte kianga kamsang khat hi dinga hon septa ka hi, a chi hi.

Johan 15:16 Noute'n kei non teel kei uh a, ke'n noute kon teel zaw hi. Pai a, gah vasuah ding leh, na gah uh omden dingin, noute kon teel a, kon sep hi. Tua bel, ka mina Pa kianga na nget peuhmah uh, ama'n hon piak theih nadingin ahi.

3 Johan 1:2 Ka it aw, na khalama na chidam banga, bangkima na hoih nading leh, na damtheih nadingin ka thuum hi.

Isai 43:4 Ka mitmuha manpha mahmah leh pahtawi leh ka it na hih mana, nang kheekna dinga midangte pia a, na hinna taanga mite pia ka hi aw.

Jeremia 31:3 Hun paisa-in Tangtawn Toupa i kiang ah hong kilang a: Tangtawn itna-in nang hon na itta ing a, itsiamna-a nang hon na itta hi'ng.

Hosia 11:8 Efraim aw, bangchi-a hon tawpsan thei ding ka hia? Israel aw, bangchi-a hon pekhe thei ding ka hia? Bang chi-a Adma bang hon suaksak thei ding ka hia? Bangchi-a Zeboim banga hon bawl thei ding ka hia? Ka sunga ka lungtang kibungbukhai a, Kon khasiat tha suak tuntun hi.

Johan 3:16 Ahang hiai ahi: Pathian in leitung khuavannuai a it mahmah manin, a Tapa tang neihsun a pia hi. Tua bel, amah um mi kuapeuh in, mangthang teitei loua, Tangtawn hinna a neih zawk nading ahi.

Isai 49:15,16 Nu in a nau nawine lai mangngilh thei ding hia? A sula piang tapa lainat lou thei ding hia? Mangngilh kha thei mah in teh. Ahihhanga ke'n zaw nang hon mangngilh lou ding hi'ng. **16** En dih, ka khutpek sung khuaka hon gelh ing a, na kulhbaangte kem gige hi'ng.

Isai 41:13 Kei, Tangtawn Toupa, na Pathian un na khut taklam uh hon len ding hi'ng. Lau kei un, hon huh ding hi'ng, chipa kei hi'ng.

Mathai 28:20 noute kon thupiak khempeuh zui dingin sinsak un. Ngai un, khang hun tawp dongin noute kon ompih gige hi, a chi hi. Amen.

Johan 14:1 Tua baan Jesu'n: Na lungtang uh dahin lungkhamsak kei un.
Pathian muang unla, kei zong hon muang un.

Isai 41:14 Jakob, nang tangteel lei, nang a neu Israel aw, lau ken, hon huh ding hi'ng, Tangtawn Toupa leh nang hon Tanpa, Israel' Misiangthoupa'n chi hi.

Isai 43:2 Tuite-a na paisuak chianga hon ompih ding ing a, luite-a na paisuak chianga, tui in hon tum lou ding hi. Meia na paisuak chianga kaang lou ding chin a, meikuang in zong hon hul lou ding hi.

Phatnalate 23:1-6 David' Phatnala. 1 Tangtawn Toupa, kei hon Chingpa hi a, tasam lou ding hi'ng. 2 Ama'n loupa hing nou dipdip muna hon kualsak zel a, tuivung dai dide kianga hon pii zel hi. 3 Ama'n ka hinna hon bawlhohi thaksak zel a, ama' min vanga diktatna lampi zuia hon pii zel hi. 4 Ahi, sihna liim phaizang tawnin pai mah leng, thil hoihlou himhim lau lou ding hi'ng. Ahang bel, nang hon ompih chin a, na Chiang leh na khetbuuk in hon khamuan hiven. 5 Nang kei hon doute' mitmuh a, ka maia ankuang hon lui chin a, ka lutang thau nilh chin a, ka nou dimlet hi. 6 Ka damsung teng hoihna leh zahngaihna in kei hon zui taktak ding a, tua khith chianga, Tangtawn Toupa' inn-a tengdenta ding hi'ng.

Johan 14:27 Lungmuanna noute kon nutsiat a, keima' lungmuanna kon pia hi. Leitung khuavannuai' piak bangin kon pe kei hi. Na lungtang uh dahin lungkhamsak kei unla, lau zong lausak kei un.

Filipite 4:7 Tua hi leh, theihiam seeng louh Pathian' lungmuanna in Khrist tungtawnin na lungtangte uh leh lungsimte uh hon veensak ding hi.

Paunakte 3:24 Na lup chianga lau lou ding chin a, na ihmud lim ding hi.

Phatnalate 4:8 Khamuangtaka lumsuk ding ing a, ihmu ding hi'ng. Tangtawn Toupa aw, nang kia in bitna muna hon teengsak hi vechin.

Phatnalate 33:18 Tangtawn Toupa' mit bel, amah laute tunga tu a, a itna muanhuai lamente tunga tu a,

Romte 5:2 Amah tungtawn mahin, upna pansanin, eite'n hehpihna sung lut theihna i ngahta hi. Tuin, eite, tua hehpihna sung ah i ding hi. Tua bang ahih manin, Pathian' thupina lametna ah zong lungnuamin i om hi.

Isa 55:12 Lungnopna tawh kuankhe ding chin a, lungmuanna tawh piikhiak hi ding na hi. Tangte leh mualte'n na maia la sa ding uh a, gamlak singkungte khempueh in khut beng ding uhi.

Johan 16:22 Tua bangin, noute zong, tuin na dah taktak uhi. Ahihhangin, noute kon mu kik ding a, na lungnuam mahmah ding uhi. Ahi, na lungnopna uh kuama'n hon sut thei kei ding hi.

Luka 12:9 Ahihhangin, mite' maia hon kilepsan peuhmah, Pathian' vansawltakte' mai ah ka kilepsan ding.

Mathai 10:30 Ama'n na luzang ua samzangte khempueh zong simvek ahi.

Isa 54:10 Tangte kiliingin, mualte kisan mah leh, nang kon itna muanhuai liing ngei lou ding a, ka lemna thukhun zong bei lou ding hi, chi-a, nang hon lainatpa Tangtawn Toupa'n gen hi.

Mathai 11:28-30 Semgim leh puakgik pua noute khempeuh ka kiang ah hong pai un, keima'n tawngak khawlina kon pe ding. 29 Ka hakkol kisan unla, kei apan kisin un. Kei a lungnem leh lungtanga a kiniamkhiat ka hi a, a hinna ua dingin tawngak khawlina na ngah ding uhi. 30 Kei' hakkol puaknop a, ka puak zong zaang ahi, a chi hi.

Solomon' Late' La 2:10 Hon it ka tongsan in tongdam hong kha: Ka sannemnou aw, zuangthou in, hon zui in.

Hosia 2:14,19,20 Tangtawn Toupa'n thu phuang a: Tua banga amah zol ding ing a, gamdai-gamkeua pii ding ing a, kamdamtaka khamuan ding hi'ng. 19 Tangtawn adinga hon kitenpih ding ing a, diktatna leh dika thukhenna tawh, itna leh lainatna tawh, hon kitenpih ding hi'ng. 20 Muanhuaina tawh hon kitenpih ding ing a, tua hun chianga Tangtawn Toupa hon thei ding na hi, chi hi.

Pemkhiakna 3:14 Pathian in Mosi kiang ah: **KEIMAH A OMPA KA HI.** Israelte kiang ah: **A OMPA** in kei noute kianga hon sawl ahi, na chi ding ahi, a chi hi.

Hosia 13:4 Ama'n: Ahihanga, Aigupta gam apana kei Tangtawn Toupa, na Pathian uh hi ka hi. Kei loungal Pathian dang himhim na neih louh ding uh, kei loungal Hondampa dang om lou hi.

Johan 15:14 Ka thupiakte na zuih uleh, ka lawmte na hi uhi.

Kilakna 3:20 Ngai in, Kei, kongkhak bul ah ka ding a, ka kiu hi. Kuapeuh in ka aw a zak a, kong hon hon leh, amah kiang ah ka lut ding a, amah tawh an ka umkhawm dia, ama'n kei tawh a umkhawm ding.

Pastor T. John Franklin
Church of Salvation, Healing, and Deliverance
COS-HAD.org